

# توقیر و تاسیخ

۳۶۱۸

نومرو ۳۷۱۸

دولت علیهم السلام

نسخه سی و یکم پاره در

جمعه دن ماعدا هر کون نشر اولتور

۱۰ ربیع الاول ۱۳۳۸

صالی

۹ کانون اول ۱۳۳۵

مذکورک محرم ۳۰۹ تاریخیه نشر اولتان الی بشنچی ماده معدله سنده رسم مزبورک مسکرات مغازه لرندن ده آلمسی اساسی وضع ایدلمش اولسنه کوره مذکور رسمک ماده مزبوره یه توفیقاً فابریقه لرله مغازه لرله موضوع قزغانلردن الهرق ولو قسماً تجارت مقصدیه اولسون اقامتکاهلره و باغ و بقیچه کلبه لرینه موضوع قزغانلردن آلماسی لازم کله جکندن عکس حاله دائر اولان خداوندکار ولایتی مجلس اداره سنجه متخذ ایکی قرارک فسخیله مطالعه آنقه یه کوره معامله اولسنسک محله تبلیغک داخلیه نظارته حواله سی و مالیه نظارته ده معلومات اعطاسی اکثریتله عرض و بیان قلمشدی .

موجبجه سبق ایدن تبلیغ سامی یه جواباً مالیه نظارتندن بالتقدیم شورای دولته حواله بیوریلان ۷ شباط ۳۳۴ تاریخلی و اون بر خصوصی نومرولی تذکره مالیه و نافعده دائره سنه تودیع قلمغله قرائت اولندی .

مأئده قرار مبلغ احکامی اساس اعتباریه دیون عمومیه اداره سنک بوبابده کی نقطه نظرینه موافق ایسه ده بونک مستند الیهی اولان ابنیه قانوننک الی یدنجی ماده سنی معدل ۱۱ اغستوس ۳۰۷ تاریخلی قانونده رسم مذکورک مسکرات فابریقه لرله برابر مغازه لرندن آلمسی اساسی وضع اولمش ایکن ماده مزبوره حکمنک ۴ مایس ۳۰۸ تاریخلی تذکره سامیه ایله مبلغ اراده سنیه ایله فسخ اولنهرق یرینه تکرار بیک ایکی یوز طقسان طقوز تاریخلی عتیق ابنیه قانونی موقع مرعیه وضع ایدلمسنه و بونده ایسه یالکز مسکرات فابریقه لرینه موضوع قزغانلر ذکر اولنسنه نظراً مسکرات مغازه و دکانلرینه موضوع انیقلردن رسم مذکورک استیفا اولنماسی طیبی و بنا برین بونک خلافه اولهرق مذکور مغازه لرله موضوع قزغانلردن رسم اخذنی متضمن اولان قرار مذکور فقرات اخیره سنک تعدیلی مقتضی کورندیکی اداره مذکوره دن بیلدیرلیدیکی بیانیله کیفیتک بونقطه نظردن تکرار تدقیق لزومی کوسترلمشدر .

ابنیه قانوننک تعدیلنی مین اولان ۱۱ اغستوس ۳۰۷ تاریخلی قانون احکامنی ناسخ اولهرق ۴ مایس ۳۰۸ تاریخلی تذکره سامیه ایله تبلیغ ایدلیدیکی نظارتک تذکره سنده بحث اولتان اراده سنیه دوسیه سی جلب ایله تدقیق اولندقدن صکره اقتضاسی مذاکره اولندی .

موضوع بحث رسمک فابریقه لرله مغازه لرله موضوع قزغانلردن آلهرق یالکز قسماً تجارت مقصدیه اولسه دخی اقامتکاهلره و باغ و باغچه و کلبه لرینه وضع ایدلمش اولان قزغانلردن آلماسی حقه سنده شورای

اوج آی ظرفنده یکیدن آتخاباب اجرا ایدلمک اوزره

دیار بکر ولایتی مجلس عمومیسنک فسخی

حقه سنده اراده سنیه

محمد وحید الدین

۱۹ حزیران ۱۳۳۵ تاریخلی قرارنامه موجبجه بر انجمن موقت تشکیلی صورتیه اداره خصوصیه عائد امور تمشیت اولنق و اداره ولایات قانون موقتک یوزیکرمی بشنچی ماده سنه توفیقاً اوج آی ظرفنده یکیدن آتخابات اجرا ایدلمک اوزره دیار بکر ولایتی مجلس عمومیسنک فسخی مجلس و کلا قراریه تنسیب اولنمشدر .

بو اراده سنیه نک اجرا سنه داخلیه ناظری مأموردر .

۹ ربیع الاول ۱۳۳۸ ۳ کانون اول ۱۳۳۵

خارجیه ناظری	مجلس و کلا یه مأمور	شیخ الاسلام	صدراعظم
مصطفی رشید	توفیق	ابراهیم الحیدری	علی رضا
شورای دولت رئیس	بحر به ناظری	حریبه ناظری	داخلیه ناظری
عبدالرحمن شرف	صالح خلوصی	جمال	محمد شریف
تجارت و زراعت ناظری	نافعه ناظری	مالیه ناظری	عدلیه ناظری
محمد هادی	عبوق احمد	توفیق	مصطفی نوری

معارف ناظری و اوقاف هیون ناظروکیلی

سعيد

مجلس و کلا یه مأمور

شورای دولت مالیه و نافعده دائره سنک ۵۷۴ نومرولی مضبطه سی

کندی محصوللری اولان اوزوملردن خانه لرنده عرق استحصال ایدنلردن مسکرات فابریقه لرینه موضوع قزغانلرله استحصال اولتانلره قیاساً بلدی و اداره مجلسلرنجه رسم طلب اولنسنه اعتراض ایله کیفیتک شورای دولته تدقیق و تذکری حقه سنده مقدما بروسه دیون عمومیه باش مدیریتدن واقع اولان مراجعت و استدا و اولبابده جریان ایدن تدقیقات اوزرینه دائره دن تنظیم قلمان مضبطه یه هیئت عمومیه دن ذیلاً تقدیم اولتان مضبطه ده محرم ۳۰۲ تاریخلی ابنیه قانوننک الی یدنجی ماده سیله موضوع بحث رسم یالکز فابریقه لرله وضع ایدیلان قزغانلردن آلمقده ایکن قانون





هرزده کورولورسه طوتیلوب محکمه مذکوره توقیفخانه سنه نقل و تسلیمی لازمکه جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسعادت هیئت اتهامیه سندن بالتظیم اعطا قلندی .

٩٠٢٥

جرح و قتل ماده سندن طولای مظنون علیه اولوب عرب جامعترینی موقعتده تمجیلر جوارنده ساکن ایکن فرار ایدن پوستولک اصول محاکمات جزائییه قانوننک مواد مخصوصه سی احکامنه توفیقاً جنایت محکمه علیه سنده محاکمه سی اجرا قلنق اوزره اتهامنه قرار ویرلدیکندن متهم مرقومک هرزده کورولورسه طوتیلوب محکمه مذکوره توقیفخانه سنه نقل و تسلیمی لازمکه جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسعادت هیئت اتهامیه سندن بالتظیم اعطا قلندی .

٩١٢١

جرح و قتل ماده سندن طولای مظنون علیهما اولوب غیر موقوف قوه مقبوده عجم سواقغنده اوتوز اوچ نومرولو ابرو قادینک خانه سنده ساکن کدک پاشاده قوندره جی سیمون ولد آرتین وحال فرارده بولنان کدک پاشاده بویاجی زقاغنده ٧ نومرولی خانه ده متصرفاً ساکن چارشوی کبیرده قیوجیلرده ٢١ نومرولو دکانده قیوجی عوادیس ولد قاپریک اصول محاکمات جزائییه قانوننک مواد مخصوصه سی احکامنه توفیقاً درسعادت جنایت محکمه علیه سنده محاکمه لری اجرا قلنق اوزره اتهاملرینه قرار ویرلدیکندن متهمان مرقومانک هرزده کورولورسه طوتیلوب محکمه مشارالیه توقیفخانه سنه نقل و تسلیمی لازم که جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسعادت هیئت اتهامیه سندن بالتظیم اعطا قلندی .

٩١٢٢

بیک اوچیوز اوتوز بش سنه سی شهر تموزینک یکرمنجی بازار کونی آقشامی زوالی ساعت سکرز راده لرنده ککبوزه نک طاوشانلی قریه سندن ٣١٤ تولدی متاهل ورنجبروامی صفر بن حاجی مصطفی بی قورشونله جرح ایدره رک وفاته سببیت ویردکلی ادعا قلنمش اولسندن طولای مظنون علیه اولوب هیئت اتهامیه جه جنایتله اتهام اولنهرق حقننده اخذ و گرفت امری ویرلش اولان اشکالی غیر مضبوط قریه مذکوره ساکنلرندن یکرمنی یاشنده مصطفی بن لاز حسن اغا و مرقوم لاز حسن اغانک حیددی اون آلتی یاشنده محمد عقیب وقعه ده فرار ایدره رک الیوم اثبات وجود ایتهمش اولدیغندن اصول محاکمات جزائییه قانوننک اوچیوز یتیمش برنجی ماده سی موجبنه محکمه به کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت طرفنده کلدیکی حالده کندوسنه قانونه اطاعت ایتهمش نظریله باقیله رقی محاکمه سنک غیاباً بالرؤیه حقوق مدنیه دن اسقاط و اموالی جز اولنه جفنی و بو ائشاده برکونا دعوی اقامه سنه حتی اولهمیه جفنی وعلیننده دعوایه قیام ایدیله جکی کبی بولندی محلی بیلنلرک خبر ویرمکه و بالجمله ضابطه عدلیه مأمورلرینک کندوسنی درست ایتکه مجبور اولدقلرینی مبین اشبو قرارنامه اصول محاکمات جزائییه قانوننک اوچیوز یتیمش ایکنجی ماده سندن استنباط اولنان احکامه توفیقاً تنظیم و معامله تجزیه حقننده تبلیغات مقضیه اجرا و سایر معاملات ایفا اولنق ایچون نسخ کافیه سی مدعی عمومیلکه تودیع قلندی اعلان اولنور .

٩٠٣٤

یوسف اوغلی کاظمی جرح و مصطفی اوغلی صالشی قتل و مأمورین ضابطه به

رشوت تکلیف ایله یکی ادعاسیله متهم و فراری اولان چورومک شنملر محله سی اهالیسندن ایواز اوغلرندن محمد بن بکر حقننده اجرا قلنان محاکمه نتیجه سنده متهم مرقومک افعال مدعا به مجسرتی عندالحا که ثابت اولغله اولوجهله مجرمیتنه و حرکتنه توفیق ایدن قانون جزانک ١٧٤ نجی ماده سی موجبنه اون بن سنه مدله کورکه قولسنه و حقوق مدنیه دن بالاسقاط اموال مجوزه سنک اصولاً اداره ایتدیلمسینه و یوز اوتوز غروش مصارف محاکمه نک کندوسندن بالتحصیل تسلیم وزنه قلنسنه درسعادت جنایت محکمه سنک ١٩ اغستوس ٣٣٥ تاریخ ٣٠٩٠ نومرولو اعلامیه حکم اولنمش و اصول محاکمات جزائییه قانوننک ٣٧٧ ر ٣٧٨ و ٣٨١ نجی ماده لری مواد سائره سی احکامنه توفیق معامله اولنسی لزوم مرجعه بیلدیلمش اولغله اعلان کیفیت اولنور .

٩٠٢٦

اخذ و غصب ماده سندن طولای مظنون علیهم اولوب بک اوغلی مستظقلقنجه تحت توقیفه آلتان سندالچی عزیز و غیر موقوف قری کوینده آرپه ترلاسنده طقوز نومرولی خانه ده مستأجراً ساکن عمر بن عالیش و قبا طاش اسکله سنده سندالچی ایاس پاشاده قیو چیقمازنده ایکی نومرولو خانه ده متصرفاً ساکن صلاح الدین بن عثمان و فندقلیده ذره ایچنده بر نومرولی خانه ده بالقجی قایقجیسی خلیل بن شکرینک اصول محاکمات جزائییه قانوننک مواد مخصوصه سی احکامنه توفیقاً درسعادت جنایت محکمه علیه سنده محاکمه لری اجرا قلنق اوزره اتهاملرینه قرار ویرلدیکندن متهمون مرقومونک هرزده کورولورلرایسه طوتیلوب محکمه مشارالیه توقیفخانه سنه نقل و تسلیملری لازم که جکی بالجمله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی درسعادت هیئت اتهامیه سندن بالتظیم اعطا قلندی .

٩١٢٣

اوچیوز اوتوز بش سنه سی نیسانک اوتوزنجی چهارشنبه کونی بیوک چاملیجه جوارنده عازقک باهمیه ترلاسی دروننده کی کلبه ده عبدالصمد افندی بی پاره سنه طمعاً قتل و اتلاف ایله کلری ادعاسندن طولای مظنون علیه اولوب هیئت اتهامیه جه جنایتله اتهام اولنهرق حقننده اخذ و گرفت امری ویرلش اولان اورتی بویلی و دوز آیلنی و قره قاش و کوزلی اوفق برونی و آزره بیقلی و مطروش یوورلایق چهره لی بالقی اتنده اسکدارده سلطان تپه سنده سرویلک جاده سنده تجاودن فضل بک دامادی ازربانچانک کیشمه شهری اهالیسندن آچقده ملازم اول یکرمنی بریاشنده اسماعیل حق افندی ابن حسین بکک الیوم اثبات وجود ایتهمش اولدیغندن اصول محاکمات جزائییه قانوننک اوچیوز یتیمش برنجی ماده سی موجبنه محکمه به کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکه اشبو مدت طرفنده کلدیکی حالده کندوسنه قانونه اطاعت ایتهمش نظریله باقیله رقی محاکمه سنک غیاباً بالرؤیه و حقوق مدنیه دن اسقاط و اموالی جز اولنه جفنی و بو ائشاده برکونا دعوی اقامه سنه حتی اولهمیه جفنی وعلیننده دعوایه قیام ایدیله جکی کبی بولندی محلی بیلنلرک خبر ویرمکه و بالجمله ضابطه عدلیه مأمورلرینک کندوسنی درست ایتکه مجبور اولدقلرینی مبین اشبو قرارنامه اصول محاکمات جزائییه قانوننک اوچیوز یتیمش ایکنجی ماده سندن استنباط اولنان احکامه توفیقاً تنظیم و معامله تجزیه حقننده تبلیغات مقضیه اجرا و سایر معاملات ایفا اولنق ایچون نسخ کافیه سی مدعی عمومیلکه تودیع قلندی اعلان اولنور .

### تقويم وقایع

تقويم وقایع قومیسینی تلفون نومروسی : استانبول ٢٤٧٨

مطبعة عامره تلفون نومروسی : استانبول ٨٥٩

امور تحریریه و اداره — امور تحریریه ایچون دائرة صدازنده « تقويم وقایع قومیسینی » نه و امور اداره ایچون مطبعة عامره مدیرینه مراجعت اولنور .  
شرائط اشترا — استانبول و ولايات ایچون سنه لک آبونه بدلی ٣٠٠ غروشدر پوسته اجرتنه تابع آبونه لرندن بشقه جه ٥٢,٥ غروش استیفا اولنور . ممالک اجنبیه ایچون سنه لک آبونه بدلی - پوسته اجرتیه برابر - ٣٥٠ غروشدر . آبونه معامله سی مطبعة عامره ده اجرا و بدلی آتیق مطبعة وزنه سنه اعطا اولنور .  
اعلانات — افرادک منافعه متعلق اولهرق قانوناً و نظاماً یا خود غلاقه دارانک طلبلرینه بناءً دوائر رسمیه و محاکم طرفندن درج ایتدیلمش اعلاناتک هر سطرندن لوق غروش آلتیر . اعلانات خصوصیه قبول اولنماز .